


大元至元辨僞錄

(一)

據國家圖書館藏元刻本影
印原書版框高十九·五釐
米寬十二·三釐米



大元至元辨偽錄隨函

翰林直學士奉詔

制誥同修國史張伯淳撰

何字函

天無私覆地無私載 只無私照辨偽錄之所云

良有以也洪惟

聖朝繼天立極論道經邦以佛心子育萬方以正

澤被四海至元辛卯之歲孟春大雲峯長老邁吉

祥欽奉

皇帝明命撰述至元辨偽錄奏對

天顏睿覽頒行入藏流通原其斥自己卯

延機李志常等毀

滅釋迦佛像白王觀音

八十二所傳襲王浮偽語老子八十一化圖式

臣佐時少林裕長老率師德詣闕陳奏

先朝蒙哥皇帝玉音宣諭登殿辨對化胡真偽

聖躬臨朝親證李志常等義墮辭屈奉

旨焚偽經罷道為僧者十七人還佛寺三十七所黨

占餘寺流弊益甚丁巳秋少林復奏續奉

綸旨偽經再焚僧復其業者二百三十七所由乙卯

辛酉九九春而其徒鼠匿未悛邪說誦行屏

妄驚瀆

師於洛陽五嶽道士褚善信等上表譏毀

時築壇以佛道二經焚之道經悉為灰燼佛經放
光無損尊者踊身作十八變有狐非獅子類燈
日月明之至言道士為僧者不可勝數如寇謙之
矯妄崔浩惑魏太武而崔浩卒以族誅曇謨最之
挫屈姜斌斌流於馬邑齊曇顯之愧陸修靜唐總
章元年法明辨化胡之偽勅搜聚天下化胡經抑
嘗火其書矣由古而今歷代帝王之制斯可忽諸
盖世尊等視三界衆生猶如一子棄背大覺
是子背其父也子背其父是自昧其所天也且師

老子者道德二篇以清虛澹泊絕聖棄智立其宗
隱居以求其志脩然無為尔今盜名之徒叢囂黨
援假立冠褐峻侈宮觀苟世利養豈老氏之用心
哉况老氏謂大辨若訥大巧若拙辨者不善善者
不辨勿矜勿伐抱一為天下式而占毀佛寺竊經
扇化胡之偽是若拙若訥歟是善者不辨歟師老
子而違其術亦復違其自宗矣若嫡師於老子者
則弗為也過歸末流尔雖然麒麟至於走獸鳳凰
至於飛鳥蘭蕙至於薰蕕旃檀至於穢壤則世未
有舍鳳凰麒麟之瑞蘭蕙旃檀之馨而匿走獸飛

詳修錄

題

鳥之常薰蕕穢壤之垢者人心天理愛惡之所同
也奈何荏麥未析而甘事於偽妄不實之教復誇
誕其浮辭侮慢大覺訕毀至聖而弗憚三塗之淪
溺乎斯辨偽錄之正名教造理淵奧排難精明凜
乎抗凌雲之勁操坦然履王道之正塗而隄備後
世之溺於巨浸者其為言也至矣盖有偽則辨無
偽則無辨豈好辨哉弘四無碍之辨者邁公之德
歟言之者無罪聞之者足以戒故我

皇金言喻辭曰譬如五指皆從掌出佛門如掌餘皆
如指信乎王言如絲其出如綸明逾日月堅逾金

石為萬世之龜鑑則斯錄豈小補哉
大元至元辨偽錄序

蓋聞五運未形元無人物之号三才既立乃叙尊卑
之名肇分六爻始畫八卦而有書契定乎訓章鳳篆
龜圖金滕玉字百家之異轍萬卷之分區雖理究乎
精微言殫乎物範紀情括性未出乎域中原始要終
詎諒於化內况乎法身無相高超於象帝之先真諦
絕稱迥出乎思議之表英猷茂實代有人焉如意者
俗姓乎延氏太原人也系乎延讚之裔世傳纓冕累
葉播遷代郡因為家焉九歲落紺隨師請業玉離荆

詳傳錄

岫價重之德弥彰桂去幽巖馨香之風遠迤阿師內
窮三藏之奧外覈九流之源各冠於中華聲聞於朝
野運談天之口施不世之才郁郁間綺錦之文雄雄
聳凌雲之氣班馬之珠玉未可同年顧陸之文章寧
堪並駕至若社生墨生之學黃老李老之書三清謗
道之文十異九迷之錄混元隱月之秘靈寶赤書之
儀煥若曾膺明猶指掌加以禪叅於五派傍閱於群
書既有雄才巨筆特專著述運思之外汲引無窮挫
邪則有吼石之功扶正則具鞭屍之德固以才侔安遠
學邁生融實覺海之龍鱗迺佛門之柱礎切見全真

田是至元十八年冬鈔奉

玉音頒降天下除道德經外其餘說謊經文盡行燒
毀道士愛佛經者為僧不為僧道者娶妻為民當
是時也江南釋教都總統永福楊大師璉真佳大
弘 聖化自至元二十二春至二十四春凡三
載恢復佛寺三十餘所如四聖觀者昔孤山寺也
道士胡提點等舍邪歸正罷道為僧者奚啻七八
百人挂冠於上永福

師殿之梁拱間故典如南嶽山之券為事為者戒
二自大 茂田求漢明帝迎摩騰竺法真二

大元至元辨偽錄卷第一

大都路道者山雲峯禪寺沙門祥邁奉勅實

蓋聞法王御世弘正道以濟時明主臨軒闡皇
拯物剪邪扶正崇德辨惑故堯誅四凶而八紘道
佛降六衆而五印歸心皆所以整亂救焚啓迪
夫我佛者功成曩劫為物降靈無生示生利見大
之立絕相現相頓化百億之方猶浩月之流空
普應若長風之噫氣萬籟聞聲誘癡子於一極

正之路按五

熱惱撤四

軍以

紫實亂朱珉常混玉自非上智疇克考明所以凡璞
濫名問人一其貴賤雞鳳殊狀楚俗迷其是非故有
守文曲流拒為異端之說巧言邪道引為同己之談
雖至道無損於毫釐而偽說有塵於視聽此幽途所
以易墜聖門所以難涉者也我
大元之有天下也慶叶金輪禎符玉曆掩六合而光
宅統萬國以提封東盡蟠桃西窮細柳南移金鼎北
抵玉衡自尊盧赫胥以來秦漢隋唐之後未有如今
朝之盛者也

祖太宗頒明詔而匡護元帝明帝捨金寶而修崇

道於金江折衝無外息流萬國澤及四

慈雲蔭有頂之天法雨潤無疆之界群生無感大聖
歸真聖哲繼輝維持玄範則有馬鳴龍樹恢教網於
西天提婆愛賢建法幢於南印世親檀鞭屍之德陳
那騁吼石之奇挫外道於一時播嘉聲於萬古洎乎
金容東夢玉馬西來摩騰顯正於洛陽道書咸從火
化僧融破邪於關內梵志結舌無言懸佛日於昏衢
扇慈風於寰宇英髦接武俊彥聯芳故有大統齊法上
多能折姜斌於魏闕法琳博物排傅奕於唐朝騰威
德於當時震佳聲於叔世但以去聖逾遠魔偽逼真

道士者丘處機李志常史志經令狐璋等學業庸淺
識慮非長並為鄙肆排毀正法擊茲布鼓竊比雷門
使中下之流咸生邪見欽奉

薛禪聖明皇帝發大悲心愍其盲瞽恐墮泥犁敕令
製斯論耳震蕩法海摧彼詞鋒碧雞之銳競馳黃馬
之駿爭騫狀鴻爐之焚纖翼猶炎日之煉輕冰負勝
之儔於斯可見暫歸慈定已破魔軍至元十八年十
月二十日復欽奉

先皇帝聖旨勅令天下偽經一時焚盡由是佛日重
暉於碧漢法雲廣布於闡浮右如意所作文賦注解

雜傳第一

咸思付囑之心共仰慈悲之訓免其賦役展其化風
今上皇帝深仁睿智體道寬明荷

四聖之雄基纂百王之洪烈萬機之暇眷頤佛門諷
百千藏之金文延數萬僧之勝會植福覺苑修建伽
藍政尚寬仁澤及黎庶搜揚仄陋黜陟賢愚明釋道
之淺深達邪正之優劣道士無識蔑視國家欺以朔
方之居肆其私臆之辨丘處機妄言諂上李志常矯
飾媚時華適役之罪徒集排釋之偽典令狐璋首編
妄說史志經又廣邪文效如來八十二龕集老
十一化古今不辨經史匪通攘竊佛書收為

釋瑞而為老瑞換姓安名改迦祥而作老祥擅為已
德偽中生偽虛上架虛張李聃出於空洞之前屈迦
文降於周莊之代立傳圖像行板流通俾尹喜作佛
尊老聃為釋迦之祖伏羲受訓高伯陽為羲農之師
軒皇問道於廣成認為老子文王師承於呂望紐為
老君周公屈膝於床前老子教以璇璣經孔子歛角於座下
問滅三教而獨顯超千聖以居尊孤高五運之前作
師百代之下域中獨聖更有誰何巧飾百端了無一
貫詳此圖也意欲剪除百氏獨擅一宗掩羲軒之聖
功滅釋孔之洪範元惡大慙世人不知雖有窮之亂

夏政王莽之欺漢庭未足過也若非

主上明聖朗鑒無惑孰能察辨真偽目識是非由是
特下明詔棟定虛實萬載凶裁一時而拔爰有典教
宗師少林和尚者祖庭柱礎梵宇棟梁心質直而無
私性淵澄而深博慙其愚瞽蕩彼迷封掃妖祲於長
空揭佛日而高朗祥邁側聞斯論不可惜言嘉
聖主之神聰美少林之雅對聊憑正典斥破狂談塞
妄說之根源倒邪山之林藪使大羅玉帝竄驚於九
天之中元始天尊膽落於三清之上萬天教主羞被
難伸九府洞仙慚惶無地且條數件舉一例餘俾夫

金鑰各色涇渭分流玉液澆腸使迷涎而蕩散金鐸
刮膜令智眼以分明為暗室之夜光作幽衢之曉鏡
通明達士知此道焉至元二年歲次旃蒙龍集星紀
陽復之月絕筆於萬壽蘭若

妄立天尊為第一

第一化云道者萬化之父母自然之極尊於此幽玄
微妙之中而生空洞空洞者真一也真一之氣化生
之後歷九十九萬億九十九萬歲乃化生上三氣三
氣相去九十九萬億九十九萬歲三合成德共生無
上乃虛皇天尊又歷如上歲數乃生中三氣三合成
德乃生玄老即元始天尊也又歷如上歲數乃生下
三氣三合成德共生太上即太上道君也自後又一
氣復生三氣每氣相去八十一萬億八十一萬歲三
合成德共生李老君雖四聖相次各不相因謂之獨
化老君生後乃生五運謂太易太初太始太素太極
○第五化云老君混沌之祖宗天地之父母故能分
布清濁開闢軋坤

辨曰蓋聞龍圖鳥篆之文龜書科斗之典玉版玉牒
之記金縢金匱之書秦漢魏晉之章宋齊梁陳之簡
記事記史直筆直言靡覩虛皇之名不聞元始之号

安有手執玉圭身掛黃褐頂垂皓髮頭戴金冠別号
天尊高拱三清之上獨稱教主統御九華之宮縱有
天尊之名並是偷竊佛語古經稱佛名為天尊不關
道君之事竊他美稱妄自尊嚴取信通人斯言謬矣
案列子及易鈞命訣皆云天地未生之前有太易有
太初有太始有太素有太極說者咸云太易者未見
氣也太初者氣之始也太始者形之始也太素者質
之始也太極者質形已具混沌未分也太極之後乃
生兩儀謂之天地夫名從實生實從名起名實既著
其道乃行太易之前杳然空洞溟溟漠漠本絕音

華古集一

六

何得謾張九氣妄生四人虛上生虛似敲空而求響
偽中起偽如趁影之尋蹤豈不思既立其名須有其
體既立其體須有氏族且道虛皇元始誰人所生氏
族何起居在何處若有源系出在何書若無來由即
是虛設又空洞之前本無歲數今標歲數愈見虛張
蓋數目起於伏羲甲子唱乎黃帝將今記古顛倒何
多且上之三尊為有形耶為無形耶若是有形不在
太易之上爰從父母而生須有年代時處姓氏名字
前云三氣共德而生則是以氣生氣與氣不殊何有
形名若是無形本無名位下第七化乃云老君以上

皇元年九月二日出遊西河遇元始天尊乘八景玉輿駕九色玄龍群仙導從手把華幡師子白鶴嘯歌邕邕同會西河之上授老君洞玄玉符此是誰耶進退兩求並無準的則知海棗虛談有名無實雕冰鏤雪枉廢詞章山海之所不收大荒之所不載庸愚巧飾何足信哉老君衰周之柱史誑云混沌之祖宗避周乱而過函關妄云天地之父母既自語之相戾何函矢之相攻掩耳偷鈴欲隱弥露道德章云吾有三寶寶而持之一曰慈二曰儉三曰不敢為天下先老君馘胡王妻子與胡兵格戰何有慈乎乘玉衡之輿

西華仙卷一

七

四

坐金闕之內披九色離羅之衣履九光偃鶴之蓋何有儉乎生於無始起於無因為萬道之先作元氣之祖觀混沌之未判視清濁之未分為帝王之師作天地之母何有不敢為天下先乎遼陽高憲字仲常遊東京白鶴觀見三清像指其右曰此何像也觀主對曰老君像曰何代人曰周定王時又指左曰此何像也主曰道君像曰此何代人主倉惶未荅憲指中尊曰且饒這元始天尊聞者傳以為笑

創立劫運年号偽第二

第三化云始則太虛之氣其氣相擊往來乱射經百

億萬氣之後其氣方漫往來流行為自然之氣佛書

世界初成風輪下旋之事也又号弥羅萬梵之氣又經九萬九千

九百九十九億氣之後結吉祥之氣成一聖人自号

元始天王同時生五老五行之主其劫号延康年号龍漢

又經如上氣數乃生道君時劫号赤明年亦号赤明

同時生九老分為九天又經如上氣數方生老君劫

号清運年号上皇時生八公又立五運太易太初等

老君乃以陰陽二氣結為混沌而分布天地萬物始

備矣

辨曰蓋聞班固律歷之志史記天官之書皇甫謐之

帝年陶隱居之帝紀未聞五運之前先有年号三氣

之內虛立劫名既清濁之未形只是洪濛一氣何有

老君元始五老九天雖竊佛立劫之名而不曉成壞

之數梵云劫波此云時分時雖長短皆立劫名錯謬

梵言迷惑体相釋教未來此土但有劫殺劫賊故許

慎說文云以兵憊人曰劫又魯將曹沫劫桓公於壇

上求所侵地此則逼奪名劫豈有劫運之言乎今陳

此言妄竊見矣夫名位既有年号斯張將以率領萬

方整齊四海混同九有同一車書天子至尊得建年

号無名位者不敢立焉孔子雖然刪書定禮分辨君

臣以無貴位上号素王矧乎老聃周之柱史臣子之
列而草竊帝王妄逮年号哉况軒皇之前本無甲子
黃帝臣大漢武之代始逮年号武帝始將古標古亦
梳造甲子何偽乎或曰老子生於天地之前別立年号有何乖
違荅曰既在天地之上乃是太易之前世未形君
臣無跡杳然空寂唯一溟濛建立年号統領誰人乎
明知偷佛莊嚴賢劫星宿之意而立此延康赤明青
運之日彼明三世此約一時正同山羗偷王衣物迷
惑顛倒上下失次尔下云老子生於天崗李谷字曰
光明則在三皇之後何得老君以陰陽二氣結為混

辨偽卷一

七

沌而分布天地耶首尾兩端穿鑿見矣

開分三界偽第三

第五化云天地有形之大者太上老君乃混沌之祖
宗天地之父母故能分布清濁開闢天地運玄元始
三氣而成天上為三清三境即始氣為玉清境元氣
為上清境玄氣為太清境又以三清之氣各生三氣
合成九氣而為九天第一鬱單天第二上禪壽無量
壽天第三梵藍須迺天第四寂然兜術天第五波羅
尼蜜不驕樂天第六洞玄化應聲天第七靈化梵輔
天第八高虛清明天第九無想無愛天此之九天各

生三氣每氣為一天合二十七天通此九天為三十
六天則三界四民上極三清是其數也初下六天為
欲界一太黃天一太明天三清明天四玄胎天五元
明天六七曜天次一十八天為色界一虛無天二太
極天三赤明天四恭華天五曜明天六皇笏天七靈
明天八端靖天九元明天十極瑤天十一元載天十
二太安天十三極風天十四始皇天十五太黃天十
六無思天十七阮樂天十八曇檐天次四天為無色
界一霄慶天二元同天三妙成天四禁上天此二十
八天名為三界此上又四天名為種人天一常融天
二玉隆天三梵度天四賈奕天此四天超出三界又
云上三天為三清境一曰太赤天二曰禹餘天三曰
清微天家上曰大羅天包羅諸天極高無上玄都玉
京鎮於其上三尊所處焉又太霄隱書云大道君治
在五十五重無極大羅天中玉京之上七寶玄臺金
林王机金童玉女之所侍衛住居在三十二天三界
之外

辨曰詳夫地軀代儀牛首炎帝之書龍師大鳳紀少之典
談天御論天續之誥括地志輿地圖之圖甘氏星經
張衡靈憲不說三清之号匪聞大羅之名並是依傍

佛經改頭換尾採他名相粧綴已書且道教之宗源起黃帝而老子消子列子莊周鶻冠尹文派為道教諸子所談並無說天之事唯是張道陵所集靈寶經中始說三十二天効佛神呪而作蜜言自後道書互相鼓唱空枝引蔓唯誑下俗佛教未來云何不說釋經廣布始唱斯名明名修靜增加三張妄闡狗偷鼠盜何足貴乎尔雅之立四号約於四時太玄之說九天准於九有不似道家虛加數目天本定體何有少多今各說不同顯知妄立案佛經三界三業所感總二十八欲界有六色界十八無色有四具勝妙欲名為欲界形色超絕名為色界根識兩忘名無色界遊此而去名出生死捨分段之後身絕形名而無寄安有玄都之境玉京之山金童玉女交雜之事瓊輿碧帳之飾妄竊不真於斯見矣試問道士三界從何而來何功所感釋名辨相全不能知且道宗極致惟盡昇天靈寶幽微祇貪羽化難逃四相詎免五衰汎業浪以漂沉隨生死而輪轉縱茫茫之業識積浩浩之苦源長往不歸良可歎息鬱頭藍弗是其驗歟

隨代為帝王師偽第四

第十一化云老君在伏犧時号鬱花子說元陽經教

伏犧叙人倫畫八卦在祝融時号廣壽子說按摩通
精經教以鑽木出火陶冶為器在神農時号大成子
說太一元精經教以播種五穀採和諸藥在黃帝時
号廣成子教以抱神守靜之道在少昊時号隨應子
說莊敬經教以鳥官為理分布九竈以統百司在顓
頊時号赤精子說微言帝嚳時号錄圖子說黃庭經帝
堯時号務成子說宣化經帝舜時号尹壽子說通玄
經七十卷又說道德經一千二百卷夏禹時号真行
子說元始經六十卷殷湯時号錫則子說長生經二
十卷周文王時号變邑子說赤精經教以仁孝之道
乃至云上古之君皆受教於老子然後造作群物也
○辨曰夫賢之與聖名位不同古哲今人出處各異
莊周云萬世之後一遇大聖猶旦暮遇之此明聖人
出世表瑞協祥應千年之期膺適時之運孤標特秀
迥出常流故得帝王師之諸侯禮重萬載一遇尚為
旦暮豈有隨代而出現乎夫李耳者退靜之士史記
稱為隱君子也避亂過關葬於槐里潛身柱下本是
人臣位不躡於上階名未廁於台輔何乃擢居聖地
為帝王師諛諛不經駭人耳目培塿要齊於嵩華孰
肯憑焉潢濤擬廣於滄溟終難信矣豈有開闢之後

萬億餘年中間別無一人拔萃唯有老子為帝王師
乎三墳五典八索九丘孔子春秋丘明國語百家異
說九流雜談並無老子為師之語唯是後代無知道
士妄撰斯言欲使老子獨高群聖美則美矣偽且偽
焉且伏犧神農皆有聖德軒皇堯舜並号明君或幼
而能言或生知妙道詎假老子教之然後造作群物
乎况書傳所紀古史所明有古史考並世本並明造物之源
燧人鑽火伏犧畫卦炎帝播耨女媧造篁黃帝作宮
室軒冕樂有咸池顓頊作六英堯有大章舜有大韶
及作圜碁禹有大夏湯有大濩文王有辟雍武王有

下武繇作城郭蚩尤作兵器岐伯造醫俞附脉經伶
倫制律隸首作箕容成作曆大撓造甲子奚仲作車
曹胡作衣伯余作裳於則作履共鼓作舟楫巨揮作
弓夷牟作矢黃雍父作杵曰孟莊子作鉅趙武靈王
作靴蘇威公作箎暴辛作墳后稷之孫叔均作犁蒙
恬作筆蔡倫作帛夏昆吾氏作凡此皆各有其主群
書所明何得自矜覽為我造又周易繫辭孔子所述
列明古帝製造之事如云包犧氏之王天下也觀像
於天俯察於地近取諸身遠取諸物始畫八卦以通
神明之德以類萬物之情作結繩而為網罟以佃以

漁蓋取諸離神農氏作為耜為耒以利天下日中為
市交易有無乃至黃帝堯舜垂衣裳而天下治蓋取
諸乾坤如此歷陳法易造物不言老子所造也竊他
功業標為己能銜名自高君子不忍又云老子在堯
時為務成子者案後漢應邵風俗通云東方朔是太
白星精黃帝時為風后堯時為務成子周時為老聃
在越時為范蠡在齊為鴟子此則務成子乃東方朔
非干老子明矣何得妄加鈎引稱老子為人師乎案
魯哀公問於子夏曰五帝三皇皆有師乎子夏曰有
臣聞皇帝學乎太真顓頊學乎綠圖帝學學乎赤松

齊偽卷一

六一三

子堯學乎尹壽舜學乎務成跼禹學乎西王國湯學
乎威子伯文王學乎鉸時子斯武王學乎郭政周公
學乎太公呂望上之所叙文極分明而言老子隨代
為帝王師何出言之狂悖哉巧言如簧顏之厚矣且
老子衰周柱史史有明文本是人臣返為上古帝王
之師履冠戴屨何顛狂之甚乎又上文云上古之君
皆受教於老子則桀紂之不仁幽厲之無道秦皇之
凶暴王莽之篡逆亦老子之所教也既然如是則老
子為悖逆之魁首巨猾之元匠不忠不孝老子之所
生不義不仁老子之所主為人師者不亦慚乎老君

既說隨代為師而秦漢之下至於今朝偏無一現乎
今既無矣古亦虛焉且漢文恭儉孝武英明孝明達
禮樂之情孝章優儒雅之道魏文帝風流文藻晉世
祖明達寬仁宋文帝致治昇平梁武帝文武兼備隋
高祖混同四海唐太宗混一車書此時不俟老子之
化而皆金聲玉振則知牽合巧會枉廢詞章祇可誑
於閭閻難可信於達士嫫母加粉見者愈嗤隣女效
顰鄉人不貴

哀公問子夏文見劉向新序
呂氏春秋亦有文不次尔

老子出靈寶三洞偽第五

第九化云太上老君以中皇元年三月一日於玉清

一四

天金闕上宮撰集靈篇以為寶經三百卷符圖七千
章玉訣九千篇老君於上三皇時出為萬天法師又
号玄中法師當龍漢元年授上三皇洞真經一十二
部以無極之道下教人間其時人壽九萬歲於中二
皇時号有古先生當赤明元年授中三皇洞玄經一
十二部行無上正真之道以化於人其時人壽六萬
歲於下三皇時出為師号金闕帝君當開皇元年授
下三皇洞神經一十二部以太平之道化人其時人
壽一萬八千歲夫洞真洞玄洞神各一十二部合為
三十六部尊經也

辨曰夫仲尼入夢十翼之道始宣伯陽過關二篇之
教方闡有名為萬物之始無名為天地之先混微妙
而同玄驚寵辱而一致谷神不死久視長生挫銳解
紛謙卑自牧此老氏之旨也自餘教典皆是偽書制
雜九流唯尚誇競採傍佛語換体安名擬三界而立
三清仿三大而立三洞虛勞紙墨妄飾詞章何以知
之漢時張道陵造靈寶經王褒造洞玄經吳時葛孝
先造上清經晉時王浮造明威化胡經鮑靜造三皇
經後改為三清經齊朝陳顯明造六十四真步虛經
梁時陶弘景造太清經隋末輔慧祥改涅槃為長安
經後事發被誅案甄鸞笑道論云道家妄注諸子三
百五十卷為道經如此詳之代代穿鑿人人妄制採
他佛教標為道書或言仙洞飛來或言老子再現群
賢不覩道士獨傳欺調時君不懼朝憲故唐琳法師
對太宗皇帝云若據肅溫衆議道家止有道德二篇
如依漢明校量便應七百餘卷約葛洪神仙之說僅
有一千准脩靜所上目中過前九十又檢玄都目錄
轉復彌多既其先後不同顯知後人妄制增加卷軸
添足篇章依傍佛經改頭換尾或道名山自出時唱
仙洞飛來何乃黃領獨知英賢罕覩典籍不記書史

無聞試問當今道士推勘後出之經為是老子別陳
為是天尊更說若也更說應有時方師資傳授為是
何年何月何邦何代若在天上而說何人傳來若在
西域而談何人譯出如其有據容可流行若也妄言
理須焚剪又漢晉之代僧号道士寇謙得志僭冒其
名今稱法師愈為矯飾法師之号源出佛經萬卷百
家本無此語且為法之師名為法師法即是師名為
法師名義不知妄安已号按賢劫已來有三佛出初
佛出時人壽六萬歲第二佛出時人壽四萬第三佛
出人壽二萬何乃改彼三皇妄合其數又前說云上
三氣中而有龍漢赤明之号是時五運尚無但唯一
氣何有三皇之君人壽之數乎上古縱有五龍四姓
九頭十紀亦無三皇建立年号試問龍漢赤明上皇
開皇誰君之年乎若言有說史無明文若言無憑不
可妄立扣其兩端竟無一是又伏羲之前文字未有
何出三洞靈寶之篇乎又十二部名源出佛經一代
時教類分十二道家名義不知何以妄著已典如珠
美玉擬作甌窰雖受勛勞智者見誚

遊化九天偽第六

第二十六化云是時老君於青羊大會引尹喜冉冉

昇空初至第一天見波利天帝乘九光元靈之輿蔭
七元交晨之蓋建五色攝魔之節金童玉女九萬人
迎老君入大有宮請問自然之道如是摩夷天梵寶
天化應天不憍樂天兜率天須延天禪善天鬱單天
隨處天帝皆與天童玉女迎禮老君請問法要所到
天宮皆設瓊漿水碧醴丹液流薰蘭羞八徹靈芝珍果
○辨曰昔我世尊初成正覺不離道樹而赴諸天一
身不分而遍一切即多而一即一而多猶如素月流
空影分衆水大塊噫氣萬竅怒踊大小咸周遠近無
隔無心頓應豈止九天伯陽之柱史尹喜函谷關吏

辛白六一

身居下位難等聖蹤欲為己德蓋善竊者鬼神不覺
既為人知非是好手離欲而獲輕舉禪定而感神通
老子既無此功何以昇於天上昔列子居鄭夫妻相
忘耳目不分翛然絕寄心凝形釋骨肉都融然後身
如槁葉隨風東西萬里復更過旬乃返而莊周譏云
猶有所待矧乎老耳不絕妻子老子之子名宗宗之
子名注注之子名宮
侍魏文侯未逮形亡過關乘薄輦之車道經垂有身之患
詎可昇天履霧駕鶴乘雲擬効牟尼矜為己勝且布
施而獲大福持戒而感生天汝尚不達斯由安能為
天說法欲界本六安云九天初禪純男而云玉女勾

虛闡偽巧說多端且初禪已上禪悅為食定生喜樂
捨念清淨何用瓊漿水碧醴蘭羞八徹乎將謂天上同
於人間羨酒肉之薰羶爭魚臭之穢濁喻乎鷓鴣死
鼠便為鳳凰同食盜聽不真請杜臆說窮鄉多怪曲
學多辨斯言信乎

聖朝至元辨偽錄卷第一



